

emocionalnih, socijalnih, govornih i kognitivnih vještina;

- b) rad na podizanju svijesti roditelja o inkluzivnosti djece u obrazovni sustav;
- c) kreativno mišljenje;
- d) promoviranje rada sa djecom;
- e) aktivno djelovanje koje izravno utječe na kvalitetu emocionalnog i socijalnog života djeteta;
- f) surađivanje s organima koji su profesionalno i stručno vezani za rješavanje socijalne problematike;
- g) surađivanje s drugim organizacijama i udrugama sličnog tipa;
- h) prikupljanje sredstava za financiranje naznačenih aktivnosti;
- i) obavljanje i ostalih poslova koji su od interesa za Udrugu i njene članove.

4. Udruga ima pečat, okruglog oblika, promjera 35 mm. Uz rub pečata kružno je ispisan tekst: UDRUGA KREATIVNO - EDUKACIJSKE RADIONICE, STOLAC.

5. Udruga ima svojstvo pravne osobe, a zastupa je i predstavlja:

- **Marijana Perić** - predsjednica Udruge, na mandatno razdoblje od 4 (četiri) godine.

Broj: 03-04-UP1-192/22
Mostar, 15. srpnja 2022. godine

Ministar
Suad Balić, s.r.

MINISTARSTVO PRIVREDE

521

Na osnovu člana 13. Zakona o poticaju razvoja male privrede i zaštiti tradicionalnih djelatnosti (obrta), („Službene novine HNK“, broj: 4/10, 1/13 i 1/16), (u daljem tekstu: **Zakon**), a uz mišljenje Ureda za zakonodavstvo Vlade Hercegovačko-neretvanskog kantona, broj: 15-1-02-184-1/22, od 06.09.2022. godine, te saglasnost Ministarstva pravosuđa, broj: 03-02-447/22, od 29.08.2022. godine i Ministarstva finansija Hercegovačko-neretvanskog kantona, broj: 01-02-2216/22-1, od 05.09.2022. godine, Ministarstvo privrede Hercegovačko-neretvanskog kantona (u daljem tekstu: **Ministarstvo**) donosi

P R A V I L N I K O IZMJENAMA I DOPUNAMA PRAVILNIKA O POSTUPCIMA U PROVOĐENJU PROGRAMA RAZVOJA MALE PRIVREDE HERCEGOVAČKO-NERETVANSKOG KANTONA 2021.-2024. GODINE

Član 1.

U Pravilniku o postupcima u provođenju Programa razvoja male privrede Hercegovačko-neretvanskog kantona 2021.-2024. godine („Službene novine HNK“, broj: 7/21), u **POGLAVLJU II Metodologija rada**, Član 5., stav (2) mijenja se i glasi:

„(2) Komisija, koja uvijek radi u kompletnom sazivu, sastoji se od najmanje pet (5), a najviše sedam (7) članova, iz reda državnih službenika Ministarstva, uključujući i najviše dva (2) člana, iz reda namještenika Ministarstva, radi obavljanja administrativno-tehničkih poslova za potrebe Komisije, koji nemaju pravo glasa.“

Član 2.

U **POGLAVLJU II Metodologija rada**, u članu 5., iza stava (7) dodaju se stavovi (8) i (9), koji glase:

„(8) Nakon što Komisija dostavi Ministru akte iz stava (7) ovog člana, Ministar će izvršiti dodatno ocjenjivanje uspješnih prijava samo po osnovu kriterija kvalitet projekta.“

„(9) Ukupan broj bodova, kojim se ocjenjuje svaka pojedina prijava iznosi maksimalno 100 bodova i predstavlja zbir bodova, dodijeljenih od strane Komisije, i bodova dodijeljenih od strane Ministra.“

Hercegovačko-neretvanskog kantona

Član 3.

U **POGLAVLJU II Metodologija rada**, u članu 6., stav (12) mijenja se i glasi:

„(12) Rok za dostavu prijava je petnaest (15) dana, računajući od dana objave Javnog poziva u „Službenim novinama HNK“. Prijave, zaprimljene nakon isteka roka, neće biti uzete u razmatranje.“

Član 4.

U **POGLAVLJU V Postupak rada Komisije za provođenje Javnog poziva za odabir korisnika poticajnih sredstava**, u članu 12. mijenjaju se stavovi (2) i (3) i glase:

„(2) U drugoj fazi rada, Komisija vrši ocjenjivanje prijava, koje su ispunile formalno-pravne uslove, po pojedinim LOT-ovima, a na osnovu kriterija, iz Javnog poziva i Poslovnika o radu Komisije, iz člana 5. stav (5) Pravilnika. Maksimalan broj bodova, po svim kriterijima, koji Komisija može dodijeliti nekoj prijavi je 90.“

„(3) Nakon što završi ocjenjivanje, Komisija sačinjava listu uspješnih prijava na Javni poziv i Izvještaj o radu Komisije (uz priloge - zapisnike sa sjednica), koje potom dostavlja Ministru, u dalju proceduru u skladu sa članom 12. stav 2. Pravilnika.“

Član 5.

U **POGLAVLJU VI Utvrđivanje prijedloga Odluke o odabiru korisnika poticajnih sredstava**, član 13. se mijenja i glasi:

(1) „Aplikantima sa liste uspješnih prijava, koju je sačinila Komisija, Ministar može dodijeliti maksimalno do 10 bodova, po osnovu kriterija - kvalitet projekta.“

(2) „Na osnovu ukupnog broja bodova iz člana 5. stav (9), Ministar sačinjava prijedlog Odluke o odabiru korisnika poticajnih sredstava Ministarstva, a konačnu Odluku donosi Vlada HNK.“

(3) „Prilikom utvrđivanja prijedloga Odluke o odabiru korisnika sredstava, Ministar može uzeti u obzir ukupan iznos sredstava koja je aplikant prethodno dobio od Ministarstva, u posljednje tri (3) godine, računajući u odnosu na godinu u kojoj je raspisan Javni poziv, pri čemu prednost mogu imati aplikanti sa liste uspješnih kandidata koji nisu prethodno dobili sredstva poticaja od Ministarstva, zatim kvalitet projekta, u smislu njegove usklađenosti sa strateškim dokumentima HNK, kao i druge poznate činjenice.“

Član 6.

U **POGLAVLJU VI Utvrđivanje prijedloga Odluke o odabiru korisnika poticajnih sredstava** mijenja se član 14. i glasi:

„Pri utvrđivanju prijedloga Odluke o odabiru korisnika sredstava Ministarstva, aplikantu, koji bude imao više projekata na listi uspješnih, biće dozvoljeno da se izjasni za koji se, od uspješnih projekata, žel opredijeliti, obzirom da Ministarstvo može podržati samo jedan projekat istog aplikanta.“

Član 7.

Ovaj Pravilnik o izmjenama i dopunama Pravilnika o postupcima u provođenju Programa razvoja male privrede Hercegovačko-neretvanskog kantona 2021.-2024. godine stupa na snagu osam (8) dana, nakon dana objave u „Službenim novinama HNK.“

Bosna i Hercegovina
Federacija Bosne i Hercegovine
Hercegovačko-neretvanski kanton
MINISTARSTVO PRIVREDE

Broj: 07-01-02-432/22
Mostar, 12.09.2022. godine

Ministar
Željko Laketić, s.r.